

### Ministarstvo za boračka pitanja

Na osnovu člana 35. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 45-12 - Prečišćeni tekst) i člana 17. stav (2) Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 31/07, 23/09, 10/11 i 33/12), ministar za boračka pitanja Kantona Sarajevo donosi

#### PRAVILNIK

#### O IZMJENAMA PRAVILNIKA ZA UTVRĐIVANJE PRAVA NA JEDNOKRATNU BESPOVRATNU DODJELU SREDSTAVA ZA RJEŠAVANJE STAMBENIH POTREBA

##### Član 1.

U Pravilniku za utvrđivanje prava na jednokratnu i bespovratnu dodjelu sredstava za rješavanje stambenih potreba ("Službene novine Kantona Sarajevo", br. 36/07, 36/08, 18/11 i 42/12) u članu 1., riječi: "procjene oštećenja stambenih objekata i utvrđivanje potreba za građevinskim materijalom ili izvođenjem radova", zamjenjuju se riječima: "komisije i način njihovog rada".

##### Član 2.

U članu 2. iza riječi "Službene novine Kantona Sarajevo", broj "9/07", se zamjenjuje brojem "45/12".

##### Član 3.

U članu 5. stav (1) mijenja se i glasi:  
"(1) O dodjeli sredstava odlučuje stručna služba Sektora za boračko - invalidsku zaštitu Ministarstva, uzimajući u obzir broj bodova po kriterijima bodovanja i nalaz i mišljenje Komisija za procjenu oštećenja stambenih objekata i utvrđivanje potreba za građevinskim materijalom i izvođenjem radova (u daljnjem tekstu: Komisije)".

U članu 5. stav (2) iza riječi zahtjeva, dodaje se zarez i riječi: "nalaz i mišljenje Komisija".

##### Član 4.

Član 7. mijenja se i glasi:

##### "Član 7.

(Procjena oštećenja stambenih objekata)

- (1) Komisije imenuje Ministar za boračka pitanja Kantona Sarajevo (u daljnjem tekstu: Ministar) odnosno posao procjene oštećenja stambenih objekata i utvrđivanje potreba za građevinskim materijalom i izvođenjem radova povjerava relevantnoj kantonalnoj instituciji ili za navedene poslove vrši izbor firme u skladu sa propisima o javnim nabavkama.
- (2) Komisije vrše posao procjene oštećenja stambenih objekata i utvrđuju potrebe za građevinskim materijalom na osnovu Pravilnika o minimumu stambenih uslova za sanaciju i izgradnju stambenih objekata u svrhu povratka ("Službeni glasnik BiH", broj 93/06) do donošenja posebnog pravilnika u skladu sa članom 18. stav (2) Uredbe."

##### Član 5.

Član 8. mijenja se i glasi:

##### "Član 8.

(Postupak po prigovoru na liste korisnika)

- (1) Na odluke stručne službe iz člana 5. stav (1) ovog pravilnika, a koje se objavljuju kao preliminarne liste korisnika dodjele sredstava, može se podnijeti prigovor Ministru u roku od 8 dana od dana objavljivanja istih.
- (2) Rješenje koje Ministar donese po prigovoru je konačno.
- (3) Nakon proteka prigovornog roka objavljuju se liste korisnika dodjele sredstava koje su konačne."

##### Član 6.

Ovaj Pravilnik stupa na snagu danom donošenja, a objaviće se u "Službenim novinama Kantona Sarajevo".

Broj 06-02-16981/13  
10. juna 2013. godine  
Sarajevo

Ministar  
Mr. **Faid Hečo**, s. r.

### OPĆINA ILIDŽA

#### Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", br. 7/05) i člana 55. Statuta Općine Ilidža ("Službene novine Kantona Sarajevo", br. 5/98), načelnik Općine Ilidža, dana 03.06.2013. godine, verificovao je i donio

#### ODLUKU

#### O KOREKCIJI REGULACIONOG PLANA "POSLOVNA ZONA STUP"

##### Član 1.

Usvaja se korekcija Izmjena i dopuna Regulacionog plana "Poslovna zona Stup" (u daljem tekstu: korekcija Plana).

##### Član 2.

U granicama Korekcije RP "Poslovna zona Stup" izvršena je promjena namjene poslovnih objekata u zoni A označenih kao broj 1 (spratnosti P+6) i broj 2. (spratnosti P+5) u stambeno-poslovni objekat broj 1 spratnosti P+6. Objekat koji je planom bio označen brojem 7 spratnosti P+2, ostaje u gabaritima postojećeg objekta poslovne namjene.

##### Član 3.

Korekcija Plana sastoji se iz tekstualnog dijela i 2 grafička priloga koji su predmet korekcije.

Tekstualni dio i grafički prilozi korekcije Plana su sastavni dio Regulacionog plana "Poslovna zona Stup" ("Službene novine Kantona Sarajevo", broj 29/06).

##### Član 4.

Korekcija Plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Poslovna zona Stup", te pribavi saglasnosti nadležnih javnih komunalnih preduzeća.

##### Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Ilidža, Zavoda za planiranje razvoja Kantona Sarajevo i Ministarstva prostornog uređenja i komunalnih poslova Kantona Sarajevo.

##### Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-2451/13  
04. juna 2013. godine  
Ilidža

Načelnik  
Općine Ilidža  
**Senaid Memić**, s. r.